



IN CLAVEM SCRIPTURÆ

Reverendis. & Clarissimo VIRO
Dn. CASPARO FINCKIO D.
*Theologo eximio, Saxo-Coburgici Ducatus Generali Su-
perintendenti, Assessori, Professori, vigilantiss.
solertiss. digniss. editam.*

Qui cupis optatam cursu contingere metam,
Per medias cœli qui cupis ire vias.
Hûc ades evolvas FinckI studiose laborem,
Hic jus vertendi cardinis omne tenet.
Præsidet hic cœli foribus, hac itur ad astra,
Astrorum hac subitò janua clave patet.
Quiq; cupis strictam clausumq; os hæreticorum
Quorumvis, librum hunc perlege, clavis inest.
Clavis schismaticos quæ stringit adusq; canoros,
Claudit & oppositis impia labra seris.
Felices animæ, quibus hæc conscribere, multosq;
Ad sedes superas ducere cura subest.
Credibile est illos pariter vitiisq; jocisq;
Altius humanis tollere forte caput,
Non Venus & vinum tam fortia pectora frangunt,
Non levis ambitio, non strepitusq; fori.
Non hoc contorquet, non hoc terrena remordet.
Cura, polos ultra mens animosa volat.

*Debita observantia ergo
apponebat*

*Pastor & Superint. Helldburg.
Sebaldus Krug.*